

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I POSLOVE MJESNIH ZAJEDNICA
Broj: 03-04-5246/20
Lukavac, 12.03.2021. godine

Na osnovu člana 72. stav (3), tačka a) Zakona o javnim nabavkama („Sl. glasnik BiH“, broj: 39/14) u postupku javne nabavke radova za izgradnju igrališta (sportskog poligona) na parceli označenoj kao k.č. 2523/2 KO Lukavac, Pomoćnik općinskog načelnika za Službu za investicije i poslove mjesnih zajednica d o n o s i

ODLUKU

o dodjeli ugovora drugorangiranom ponuđaču

Član 1.

Poništava se Odluka broj: 03-04-5246/20 od 23.12.2020. godine za nabavku radova za izgradnju igrališta (sportskog poligona) na parceli označenoj kao k.č. 2523/2 KO Lukavac kojom je ugovor dodijeljen ponuđaču "TOM-CAT" d.o.o. Tuzla.

Član 2.

Ugovor za javnu nabavku dodjeljuje se drugorangiranom ponuđaču E&D BAUKOP d.o.o. Lukavac sa ponuđenom cijenom od 58.840,94 KM bez PDV-a, a nakon što najpovoljniji ponuđač nije u ostavljenom roku dostavio dokumentaciju iz člana 45. Zakona o javnim nabavkama.

Član 3.

Ova odluka objavit će se na internet stranici ugovornog organa (www.lukavac.ba).

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke broj: 03-02-5224/20 od 08.10.2020. godine. Javna nabavka je sprovedena otvorenim postupkom nabavke. Procijenjena vrijednost javne nabavke bez PDV-a je 51.000,00 KM.

Obavještenje o nabavci broj: 719-1-3-66-3-97/20 objavljeno je na Portalu javnih nabavki dana 09.10.2020. godine.

Komisija za provođenje postupka nabavke imenovana Rješenjem broj: 02-04-19-43/20 od 09.10.2020. godine i dostavila je ugovornom organu-Općinskom načelniku Zapisnik o pregledu i ocjeni ponuda broj: 03-04-5246/20 od 21.12.2020. godine, Preporuku o izboru najpovoljnijeg ponuđača broj: 03-04-5246/20 od 21.12.2020. godine i Izvještaj o radu broj: 03-04-5246/20 od 21.12.2020. godine.

Uvidom u priloženu tendersku dokumentaciju utvrđeno je da procijenjena vrijednost nabavke bez uključenog PDV-a iznosi 51.000,00 KM i da je kriterij za dodjelu ugovora ekonomski najpovoljnija ponuda sa podkriterijima cijena 98% i rok plaćanja 2%. Naime, Komisija je konstatovala da vrijednost ponude drugorangiranog ponuđača E&D BAUKOP d.o.o. Lukavac iznosi 58.840,94 bez PDV-a, odnosno da cijena ponude drugorangiranog ponuđača E&D BAUKOP d.o.o. Lukavac prelazi iznos sredstava obezbjeđen za ovu nabavku. Obzirom na navedeno, Komisija se, pismenim putem, obratila Službi za investicije i poslove mjesnih zajednica da ista utvrdi da li postoji mogućnost povećanja budžeta u iznosu od 7.840,94 KM bez PDV-a i dodijele ugovora, te da pisanim putem obavijesti Komisiju. Komisija je od Službe za investicije i poslove mjesnih zajednica zaprimila Odgovor broj: 03-04-5246/20-2 od 08.03.2021. godine u kojem stoji da su dodatna sredstva obezbijeđena Budžetom općine Lukavac za 2021. godinu.

Ponuđač E&D BAUKOP d.o.o. Lukavac dostavio je prihvatljivu ponudu sa cijenom od 58.840,94 KM bez PDV-a i rokom plaćanja 30 (trideset) dana od dana prijema fakture koja je u odnosu na kriterij za dodjelu ugovora ocijenjena kao najpovoljnija.

Uzimajući u obzir gore navedeno, a primjenom člana 72. stav 3. tačka a) Zakona o javnim nabavkama („Sl. glasnik BiH“, broj: 39/14) riješeno je kao u dispozitivu ove Odluke.

POMOĆNIK OPĆINSKOG NAČELNIKA
ZA SLUŽBU ZA INVESTICIJE I POSLOVE MJESNIH ZAJEDNICA
(Ovlaštenje broj: 02-30-6245/20 od 21.12.2020. godine)
Emir Begić, dipl.ecc.

Dostaviti:

1. Web – stranica ugovornog organa;
2. Arhivi.-

